



УКРАЇНЬСЬКА ПРАВОСЛАВНА ЦЕРКВА  
СВЯЩЕННИЙ СИНОД  
ВІДДІЛ ЗОВНІШНІХ  
ЦЕРКОВНИХ ЗВ'ЯЗКІВ

ПАЛОМНИЦЬКИЙ  
ЦЕНТР

## МОЛИТВЫ О ПУТЕШЕСТВУЮЩИХ

**Тропарь, глас 2:** **Путь** и истина сый, Христе, спутника Ангела Твоего рабом Твоим ныне, якоже Товии иногда, послѣ сохраняюща, и невредимых, ко славе Твоей, от всякого зла во всяком благополучии соблюдающа, молитвами Богородицы, Едине Человеколюбче.

**Кондак, глас 2:** **Луце** и Клеопе во Еммаус спутешествовавый, Спасе, сшествуй и ныне рабом Твоим, путешествовати хотящим, от всякого избавляя их злаго обстояния: вся бо Ты, яко Человеколюбец, можеши хотяй.

### Молитва хотящему отыти в путь

**Боже, Боже наш,** истинный и живой путь, путешествовавый со слугою Своим Иосифом, спутешествуй, Владыко, и рабом Твоим (*имярек*), и всякого обуревания и навета избави, и мир, и благомощие паки устрой: всякия правды промысл творяща по заветам Твоим, и исполнена житейских и небесных благ бывша, паки возвратитися благоволи. Яко Твое есть царство и сила и слава, Отца и Сына и Святаго Духа, ныне и присно и во веки веков. **Аминь.**

### Молитва о путешественниках

**Господи Иисусе Христе Боже наш,** истинный и живой путь, состранствовати мнимому Твоему отцу Иосифу и Пречистой Ти Деве Матери во Египет изволивый, и Луце и Клеопе во Еммаус спутешествовавый! И ныне смиренно молим Тя, Владыко Пресвятый, и рабом Твоим сим (*имярек*) Твоею благодатию спутешествуй. И, якоже рабу Твоему Товии, Ангела-хранителя и наставника послѣ, сохраняюща и избавляюща их от всякого злаго обстояния видимых и невидимых врагов, и ко исполнению заповедей Твоих наставляюща, мирно же и благополучно, и здраво препровождающа, и паки цело и безмятежно возвращающа; и даждь им все благое свое намерение ко благоугождению Твоему благополучно во славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. **Аминь.**

### Молитва первая ко Пресвятой Богородице

**О Пресвятая Владычице моя, Дево Богородице, Одигитрие, покровительнице и упование спасения моего!** Се в путь, мне предлежащий, ныне хочу отлучитися и на время сие вручаю Тебе, премилосердой Матери моей, душу и тело мое, вся умныя моя и вещественныя силы, всего себе вверяя в крепкое Твое смотрение и всесильную Твою помощь. О благая Спутнице и Защитнице моя! Усердно молю Тя, да не ползок путь мой сей будет, руководи мя на нем, и направи его, Всесвятая Одигитрие, якоже Сама веси, ко славе Сына Твоего, Господа моего Иисуса Христа, буди ми во всем помощнице, наипаче же в сем дальнем и многотрудном путешествии соблюди мя под державным покровом Твоим от всяких находящих бед и скорбей, от враг видимых и невидимых, и моли о мне, Госпоже моя, Сына Твоего Христа Бога нашего, да послет в помощь мне Ангела Своего мирна, верна наставника и хранителя, да якоже древле даровал есть рабу Своему Товии Рафаила, на всяком месте и во всякое время хранивша его в пути от всякого зла: тако и мой путь благополучно управив и сохранив мя небесною силою, здрава да возвратит мя, мирна и всецела к жилищу моему во славу имени Своего Святаго, славяща и благословяща Его во вся дни живота моего и Тебе величающа ныне и присно, и во веки веков. **Аминь.**

### Молитва вторая ко Пресвятой Богородице

**О** Пречудная и Превышшая всех тварей Царице Богородице, Небеснаго Царя Христа Бога нашего Мати, Пречистая Одигитрие Марие! Услыши нас грешных и недостойных в час сей молящихся и припадающих к Твоему Пречистому Образу со слезами и умиленно глаголющих: изведи нас от рова страстей, Владычице Преблагая, избави нас от всякия скорби и печали, огради от всякия напасти и злыя клеветы, и от неправеднаго и лютаго навета вражия. Можеша бо, о Благодатная Мати наша от всякаго зла сохранить люди Твоя и всяким благодеянием снабдити и спасти; разве Тебе иныя Предстательницы в бедах и обстояниях, и теплыя Ходатаицы о нас, грешных, не имама. Умоли, Госпоже Пресвятая, Сына Твоего Христа Бога нашего, да удостоит нас Царствия Небеснаго; сего ради всегда славим Тя, яко Виновницу спасения нашего, и превозносим святое и великолепное имя Отца и Сына и Святаго Духа, в Троице славимого и поклоняемаго Бога, во веки веков. **Аминь.**

### **Молитва перед отправлением в плавание**

**В**ладыко Господи Иисусе Христе, Боже наш, вместе со святыми Своими учениками и апостолами плававший, бурный ветер утишивший и повелением Своим волны на море успокоивший! Сам, Господи, и нам сопутствуй в плавании, всякий бурный ветер утиши и будь Помощником и Заступником, ибо Ты Бог Благий и любящий человек и Тебе славословие приносим, Отцу и Сыну и Святому Духу, ныне и присно и во веки веков. **Аминь.**

### **Молитва перед отправлением в воздушное путешествие**

**Г**осподи Иисусе Христе, Боже наш, стихиям повелеваяй и вся горстию содержи, Егоже бездны трепещут и Емуже звезды присутствуют. Вся тварь Тебе служит, вся послушают, вся Тебе повинуются. Вся можеша: сего ради вся милуеша, Преблагий Господи. Тако и ныне убо, Владыко, рабов Твоих сих (*имярек*) моления теплыя приемля, благослови путь их и воздушное шествие, запрещая бурям же и ветром противным, и лодию воздушную целу и невредиму соблюдая. Спасительное и небурное по воздуху прохождение им даруя и благое намерение совершившим им весело во здравии и в мире возвратится изволь. Ты бо еси Спас и Избавитель и всех благих небесных и земных Податель и Тебе славу возсылаем со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков. **Аминь.**

Українська Православна Церква

### **Псалом Давиду, прежде помазания, 26**

**Г**осподь просвещение мое и Спаситель мой, кого убоюся? Господь Защититель живота моего, от кого утрашуся? Внегда приблизится на мя злобующим, еже снести плоти моя, оскорбляюши мя, и врази мои, тии изнемогоша и падоша. Аще ополчится на мя полк, не убоится сердце мое; аще встанет на мя брань, на него аз уповаю. Едино просих от Господа, то взыщу: еже жити ми в дому Господни вся дни живота моего, зрети ми красоту Господню, и посещати храм святыи Его. Яко скры мя в селении Своем в день зол моих, покры мя в тайне селения Своего, на камень вознесе мя. И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспою Господеви. Услыши, Господи, глас мой, имже воззвах: помилуй мя и услыши мя. Тебе рече сердце мое, Господа взыщу. Взыска Тебе лице мое, лица Твоего, Господи, взыщу. Не отврати лица Твоего от мене, и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. Яко отец мой и мати моя остависта мя, Господь же восприят мя. Законоположи ми, Господи, в пути Твоем и настави мя на стезю правую враг моих ради. Не предаждь мене в души стужающих ми, яко восташа на мя свидетеле неправднии и солга неправда себе. Верую видети благая Господня на земли живых. Потерпи Господа, мужайся, и да крепится сердце твое и потерпи Господа.

### **Псалом 90**

**Ж**ивый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна плещма Своима осенит тя и под криле Его надеешися: оружием обыдет тя истина Его. Не убоишися от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоя тысяща, и тма одесную тебе, к тебе же не приблизится обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло и рана не приблизится телеси твоему, яко Ангелом Своим заповесть о тебе; сохранити тя во всех путех твоих. На руках возьмут тя, да не когда преткнеша о камень ногу твою, на аспида и василиска наступиши и попереши льва и змия. Яко на Мя упова, и избавлю и: покрыю и, яко позна имя Мое. Воззовет ко Мне, и услышу его:

с ним есмь в скорби, изму его, и прославлю его, долгою дней исполню его, и явлю ему спасение Мое.

## МОЛИТВЫ БЛАГОДАРСТВЕННЫЕ

**Благодарни** суще недостойнии раби Твои, Господи, о Твоих великих благодеяниях на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

### Молитва из благодарственного молебствия о получении прошения

Господи Иисусе Христе Боже наш, Боже всякого милосердия и щедрот, Егоже милость безмерна и человеколюбия неизследимая пучина! Ко Твоему величеству припадающе со страхом и трепетом, яко раби недостойнии, благодарение Твоему благосердию и Твоих благодеяний, на рабех Твоих бывших, ныне смиренно приносяще, яко Господа, Владыку и Благодетеля славим, хвалим, поем и величаем, и припадающе паки благодарим, Твое безмерное и неизреченное милосердие смиренно моляще: да якоже ныне моления рабов Твоих прияти и милостивно исполнити сподобил еси, и во предняя в Твоей и искреняго любви и во всех добродетелех преспевающих, Твоя благодеяния всех верных твоих получитьи, Церковь Твою святую и град сей [или весь сию, или обитель сию] от всякаго злаго обстояния избавляя и мир и безмятежие тем даруя, Тебе со Безначальным Твоим Отцем, и Пресвятым и Благим и Единосущным Твоим Духом, во едином существе славимому Богу, всегда благодарение приноситьи и преблагая глаголати и воспети сподобиши.

**И абие велегласнейше возглашает:**

Слава Тебе Богу, Благодателю нашему, во веки веков.

### Молитва Богородице благодарственная

**Что** Ти принесем, или что Ти воздадим, о Премилостивая Госпоже Владычице, Заступнице рода христианскаго, за вся Твоя неисчетная благодеяния, яже присно являеши всем призывающим имя Твое и Твоя помощи просящим; Кто бо притекаяй к Тебе посрамлен и не услышан от Тебе отходит, о Премилосердая Мати; Вемы, Пречистая, яко, за множество грехов и беззаконий наших, несмы достойни ниже имя Твое пресладкое нарещи, не точию песнопения от оскверненных устен Тебе приноситьи, и удобее есть нам молчание любити. Но да не явимся непамятливи и неблагодарни пред Тобою, дерзаем приноситьи Тебе сие коленопреклоненное славословие: Ты же, Премилосердая Мати, не возгнушайся прияти е, яко от избытка любящих Тя сердец возносимое. Сама Ты, Владычице, благодатию Твоею коснися сердец наших, да яко воск растаявша пролиются пред Тобою в слезных благодарениях и славословиях. Благодарим Тя, Всепетая: не таим благодеяний Твоих, но велегласно возвещаем, да вси слышашии притекают к Тебе, единой непостыдней Заступнице рода христианскаго, и да немолчно славословят Тя, Всепетую, во веки веков.

## ПОМЯНИК

**Помяни**, Господи Иисусе Христе Боже наш, милости и щедроты Твоя от века сущыя, ихже ради и вочеловечился еси, и распятие и смерть спасения ради право в Тя верующих претерпети изволил еси: и воскрес из мертвых, вознеслся еси на Небеса, и седиши одесную Бога Отца и призираеши на смиренные мольбы всем сердцем призывающих Тя. Приклони ухо Твое и услыши смиренное моление мене, непотребнаго раба Твоего, в воню благоухания духовнаго Тебе за все люди Твоя приносящаго. И в первых помяни Церковь Твою Святую, соборную и Апостольскую, Юже снабдел еси Честною Твоею Кровию, и утверди, укрепи и разшири, умножи, умири, и непреобориму адовыми враты во веки сохрани: раздираная церковей утиши, шатания языческа угаси, и ересей востания скоро разори и искорени, и в ничтоже силою Святаго Твоего Духа обрати. **[Поклон]**

**Спаси**, Господи, и помилуй богохранимую страну нашу, власти и воинство ея: и глаголи мирная и благая в сердцах их о Церкви Твоей Святей и о всех людех Твоих, да и мы в тишине их тихое и безмолвное житие поживем во правоверии, и во всяком благочестии и честности. **[Поклон]**

**Спаси**, Господи, и помилуй великаго господина и отца нашего Кирилла, Святейшаго Патриарха Московскаго и всея Руси, и Святейших Вселенския Патриархи и Преосвященныя митрополиты, архиепископы и епископы православныя, иереи же и диаконы и весь причет церковный, яже поставил еси пасти словесное Твое стадо: и молитвами их помилуй и спаси мя, грешнаго. **[Поклон]**

Спаси, Господи, и помилуй отца моего духовнаго *имярек*, и святыми его молитвами прости моя согрешения. [Поклон]

Спаси, Господи, и помилуй родители моя *имярек*, и рабы Твоя *имярек* и вся сродники моя по плоти, и ближния рода моего, и други и даруй им мирная Твоя и премирная благая. [Поклон]

Спаси, Господи, и помилуй во Святогорских монастырех и в Российских, и во инех местех живущия и пребывающия отцы и братию нашу, и сестры, и молитвами их помилуй и мене, грешнаго. [Поклон]

Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же, и благоговении и постничестве живущия в монастырех, в пустынях, в пещерах, горах, столпех, затворех, раселинах каменных, островех же морских, и всяком месте владычества Твоего правоверно живущия, и благочестно служащия Ти, и молящися Тебе: облегчи им тяготу, и утеши их скорбь, и к подвигу от Тебе силу и крепость им подаждь, и молитвами их даруй ми оставление грехов. [Поклон]

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, в бедах же и скорбех, обстояниих и пленениих, в темницах же и заточениих, изряднее же в гонениих Тебе ради и веры Православныя, от язык, безбожных, от отступников и от еретиков, сущия рабы Твоя: и помяни я, посети, укрепи, утеши, и вскоре силою Твоею ослабу, свободу и избаву им подаждь. [Поклон]

Спаси, Господи, и помилуй благотворящия нам, милующия и питающия нас, давшия нам милостыню и заповедавшия нам недостойным молитися о них, и упокоевающия нас: и сотвори милость Твою с ними, даруя им вся, яже ко спасению прошения, и вечных благ восприятия. [Поклон]

Спаси, Господи, и помилуй посланная в службу и путешествующия отцы и братию нашу и сестры, и вся православныя христианы. [Поклон]

Спаси, Господи, и помилуй ихже аз безумием моим соблазних, и от пути спасительнаго отвратих, к делом злым и неподобным приведох: Божественным Твоим промыслом к пути спасения паки возврати. [Поклон]

Спаси, Господи, и помилуй ненавидящия и обидящия мя, и творящия ми пакости, и не остави их погибнути мене ради, грешнаго. [Поклон]

Отступившия от православныя веры и погибельными ересьми ослепленныя, светом Твоего познания просвети, и Святей Твоей Апостольстей соборней Церкви причти. [Поклон]

Правоверие утверди, и воздвигни рог христианский, и низпосли на нас милости Твоя богатая. [Поклон]

#### Об усопших:

Помяни, Господи, от жития сего отшедшыя правоверныя цари и царицы, благоверныя князи и княгини, Святейшия Патриархи, Преосвященныя митрополиты, архиепископы и епископы православныя, во иерейском же и в причте церковном и иночестем чине Тебе послужившыя, и блаженныя ктитори церковныя, и в вечных Твоих селениих со святыми упокой. [Поклон]

Помяни, Господи, души усопших рабов Твоих *имярек*, и всех сродников моих по плоти и ближних и знаемых: и прости их вся согрешения вольная и невольная, даруя им Царствие и причастие вечных Твоих благих, и Твоя безконечныя и блаженныя жизни наслаждение. [Поклон]

Помяни, Господи, и вся в надежди воскресения и жизни Вечныя усопшыя отцы и братию нашу, и сестры, и zde лежащия и повсюду, православныя христианы: и со святыми Твоими, идеже присещает свет лица Твоего, всели, и нас помилуй, яко Благ и Человеколюбец, аминь.

#### На конец же глаголем сие трижды:

Подаждь, Господи, оставление грехов всем прежде отшедшим в вере и надежди Воскресения отцем, братьям и сестрам нашим, и сотвори им вечную память.

Господи, помилуй [трижды]



Залізничне шосе, 3

01103

Київ

Україна

тел. +38 (044) 383 04 22

+38 (044) 383 04 11

факс +38 (044) 280 03 56

pilgrimsua@gmail.com